

義寧州志卷第二十三

祥異

天人感召降祥降戾庶徵列疇五行有志一隅所紀時恒亦異

聖主道隆和氣斯致合璧聚奎三光應瑞甘露屢降嘉穀九穗沐膏詠勤長此樂利志祥異

漢

元和三年海昏出明月珠大如雞子圓四寸八分古今註按舊志載

太始元年誤此時寧州兼有海昏地

建安八年長沙醴陵縣有大山常鳴如牛吼聲積數年後豫章艾縣賊攻沒縣亭殺掠吏民因以為候續漢書五行志

吳

義寧州志 卷二十三 祥異 一 四百

黃武二年黃龍見於武昌今黃龍寺屬武昌地也吳志

七年豫章黃龍見省志

晉

武帝太康元年豫章生嘉禾安志三年白雀見豫章玉海七年木

連理生豫章太守蘭隸以聞安志按太康元年改西安縣為豫章縣

永興元年彩雲覆豫章甘露降麒麟見安志

永嘉末豫章有大蛇長十餘丈斷道過者輒吸之吞噬百人

吳猛與弟子殺之猛曰蜀賊當平矣既而杜弢滅豫章書按許遜

傳載海昏有巨蛇遜伏劍斬之此云弟子當屬遜

大興元年正月麒麟見豫章豫章書冬十二月豫章地震水湧

出鄭樵志二年夏五月蝗豫章書三年春正月白鹿二見豫章

孫氏瑞應圖云白虎

咸和二年夏四月己未豫章地震

鄭樵通志

太元十四年十一月辛亥白虎見豫章

豫章書

豫章桐木連理

太守范甯表聞

藝文類聚

宋

元嘉二十二年豫章縣出銅鐘江州刺史廣陵王紹以獻

宋書

大明七年二月月犯南斗第四星入魁中占曰豫章受災豫

章王子尚死

宋書天文志

齊

永明五年春三月豫章縣民獲銅鐘於長岡山

齊書

唐

貞元十年豫章溪澗魚頭皆戴蚯蚓

元和二年大旱十五年水

義寧州志

卷二十三

祥異

一 二百四十

後唐

清泰元年龍馬見於分寧周鑾表而獻之

宋

景祐元年八月分寧縣大水暴發漂沒民居二百餘家死者

三百七十餘口

宋史五行志

紹興四年水二十七年大水

元豐六年洪州七縣稻穫再生皆實

宋史

建炎四年縣治火

乾道四年旱五月秋七月乙亥龍聞於縣西北大雨俄頃迅

雷起東南二龍奔逝墮珠於復塘村大如輪為牧豎所得

自是連年水

安志

七年首種不入大饑民食草實八年大旱

隆興七年饑民皆食草實

景定元年縣治火二月元兵過分寧舊志

淳熙十四年大水

紹熙四年大冰二月元兵過分寧

元

至元二十六年十二月寧州民張安世進嘉禾二本元史五

大德元年水七年饑九年六月水

延祐元年秋八月水

至元元年大饑人相食

泰定三年六月寧州高市火燔五百餘家元史志

至正十年五月甲子寧州大雨山崩數十處元史五

明

洪武元年大風雨出蛟山水暴溢民多溺死詔遣使賑恤西江

義寧州志

卷二十三

祥異

三 三百四十五

通志按自元大德五年以分寧縣置寧州固非若元史五行志
年始改為寧縣則洪武元年之寧州固非若元史五行志
世祖至元二十六年
之寧州之在武寧也

宣德九年饑十年又饑

景泰五年冬大雪

成化五年芝生於文廟

宏治七年春雨木冰見雨稗
新漚

八年桃李樹生茹

十二年雷震譙樓

十三年四月芝生於儒學興賢齋

十七年夏六月大水漲至州儀門及儒學名宦鄉賢祠木

主多漂沒馬洲山谷祠傾舟行於市

正德元年冬十二月至夏五月不雨

三年春大水

四年夏大旱饑人食草實

六年夏五月大水

八年夏大旱

十年春雨木冰

見雨稗
新漚

十二年夏六月甲子東北方白氣如虹飛墜有聲

十三年秋七月州市火

嘉靖元年夏六月大水市行舟

二年六月大雨雹

十一年三月火焚金銀庫六月分司火燬圖籍

十三年春二月至八月不雨民大饑

十四年虎暴於市

義寧州志

卷二十三

祥異

四 三百四十五

十八年夏四月大水六月又大水壞田為沙磧漂民居七十餘家

二十三年大旱饑民食樹皮死者甚衆

二十四年大饑斗米十五緡民食野藟多饑死

二十九年夏四月久雨洪水入市壞田廬不計其數

三十一年安平港水逆流至黃沙灘者一

三十四年芝生於義井巷周家

三十五年民家失火延燒文廟明倫堂廨舍無遺

四十三年虎入城隍廟下蔬畦白晝咬殺三人尋殺之

四十四年虎入市伏鐵爐巷陳氏屋上衆莫敢撻尋自逸

去秋大雨雹稼不成

隆慶元年訛言採選宮嬪民間童男幼女旬日內婚嫁殆盡

四年安平港水逆流至黃沙灘者三

櫺星門前池內忽得金鯉數十尾

六年冬雨雪二月人民牛羊多凍死者禽獸入民舍

萬歷元年起至庚辰辛巳年止連稔穀賤

三年二月地震有聲樓屋有傾倒之勢

五年春三月民家失火延燒譙樓及下市三街盡燬

六年雨里穀內有米如小麥狀

十年春大雨雹二麥無收

十二年地名小流土有寶色如銀萬衆共取幾亂燒煉不成乃止

十四年二三月大水淫雨連綿洪水浸入州城高數尺禾苗盡浸死農夫乏種

義寧州志

卷二十三

祥異

五 三百九十五

十五年七月下霜三日禾盡萎死民疫死者無數

十六年三月至五月不雨禾盡稿野多餓殍是年以無米改折

十七年西津金雞坑產有黑子大小不等形皆四方色如漆有光人競取之四五月不雨七月又下霜秋稼絕粒民多饑死是年糧亦改折

二十一年大旱饑冬陰晦連月

二十二年正月朔儒學櫺星門橫枋自墜是年饑斗米十五緡餓夫塞道

二十三年虎至西郭津南擒殺之不為暴

二十四年歲大熟芝生於濂溪書院太極堂

四十七年大水

泰昌元年十二月中旬大雪至次年二月中乃止
天啟四年四月星隕石梘聲如雷其色黑五年夏大饑

六年十二月夜地震

崇禎四年七月十七日夜地震十月十一夜又震省城亦如
之

九年旱大饑八月夜地震立者仆地

十年十一月十七夜黃土嶺失火延燒自西門起至萬家
坊止被災者千家

十二年己卯自十二月起至庚辰正月止霜雪凍結用鑿
開路空處高至七八尺四月始消

國朝

順治二年乙酉四月旌陽觀道士三元因觀宇傾頽燃指釘

義寧州志

卷二十三

祥異

六 四百一十

關募化時五月初十一更時見羣鬼數千泣告而退黎明
三元命一老力者搖鈴於市曰都來看三日後有好事顯
現次日僅存一空關莫知所去三日後果闖寇破城屠戮
殆盡

本年十一月夜天南方白耀長一二丈有數千條出沒經
時至十二月雪夜闖寇復至凡從前未焚之屋未戮之人
至此焚戮無遺凍死及淹沒者亦千餘

四年自春至冬夫旱不雨米每石十兩市絕糶糶民饑不
堪食樹皮草根

十三年閏五月大雨洪水過東南城堞船祇州治頭門漂
流千餘家田地沙塞衝決成河有李維常者外出妻梁氏
居坵湖水起之夜家口俱沒惟一僕扶梁氏共持一屋樑

隨水漂流見水響如雷有一物大如山其色黑有两目其
光大如斗二人流七十餘里至石溪物爭前而去湧浪拋
樑近岸遇大樹扳住天明獲救

十四年有一獐於日午時從青雲門入人民爭逐至黃甲
門斃之

十六年内忽傳雞翅生齒民間多殺而棄之

康熙元年四月初四日天地晦冥風雷大震雹大如雞子碎
瓦折樹其年大旱總督張朝璘巡撫董衛國奏奉

旨蠲稅糧十分之三

三年五月夕一更時忽見東方流星飛墜而西有聲大如
斗其光白色有帶是年旱奉 蠲田賦十分之三

寧自順治十八年狼虎為害甚劇三年八九月内乘夜入

義寧州志

卷二十三

祥異

七
四百

城人心惶惑州牧徐永齡十月蒞任率衆力搜連殺二虎
虎患遂絕

康熙四年旱奉 蠲田賦十分之三

五年旱奉 蠲田賦十分之三

六年水奉 蠲田賦十分之三

八年旱奉 蠲田賦十分之三

九年春苦水夏秋赤地飛蝗奇災踵至哀聲滿野士民呈
控刺史徐永齡為民請命詳懇上憲具題奉

旨蠲田賦十分之三

十年水旱頻仍奉 蠲田賦十分之三

十一年大旱奉

旨行賑蠲減荒缺

詳載田賦

十三年二月有白氣如練自東至西是年大旱詳蠲稅糧十分之三冬十一月北門戍卒李忠等謀不軌引土賦楊白巾突至州署知州任暄猷率州同李成芳吏目潘士良營弁朱萬壽追至半山擒李忠斬之

武事詳

十四年二月楊白巾寇銅鼓營五月初二日土賊張猶龍熊吉昌及楊白巾入寇州城又五月初一日知州任暄猷擊敗之賊遁入奉武二鄉九月初三日有赤光狀如人形有帶自北流注南方聲響若雷雉鳥驚飛二十七日賊復寇州城任暄猷同遊擊牛鳳翔馬瑞麒守備朱萬壽堅守三月至十二月初七日賊遁

武事詳

十五年六月十三天雨水大如錢有眼八月十八日土賊張猶龍熊吉昌楊白巾再寇州城知州任暄猷同遊擊高

義寧州志

卷二十三

祥異

八 四百八十

覲光馬瑞麒守備朱萬壽郭成功堅守簡親王遣年將軍統滿漢官兵與賊戰於榔樹坑擒斬無算賊仍竄入奉

武二鄉

武事詳

十六年三月土賊張在七劉旺七熊吉昌寇安鄉九都陰晦寒雨連日不開三月初八日遊擊馬瑞麒提兵出勦斬馘無數夏四月旱農未分秧歲大饑減賦十分之三冬十一月初九日復銅鼓營知州班衣錦叅戎馬瑞麒會巡道李進兵克復奉武安崇殺賊無算

武事詳

十七年大饑夏秋亢旱知州班衣錦詳請巡撫佟國楨勘報奉

旨蠲賑減賦十分之三

十八年大旱五月二十七日雨至十月初九始雨禾苗盡

稿秋稼絕粒巡撫安世鼎勘報奉

旨蠲賑減賦十分之三

十九年五月初六連日大雨如注雷電交作各鄉山崩石裂水漲入城泰鄉五都安鄉長茅高鄉柴潭新車崇鄉盧坊馬市仁鄉東源西鄉張仙橋在在龍水暴發冲破廬舍田地陂塘不計其數民被災環庭泣訴知州班衣錦申請賑恤

二十五年四月西門失火延燒城樓及跨鰲橋

二十六年秋旱 蠲賑

二十七年正月初三州東太平舖失火秋旱巡撫宋犖勘報奉

旨蠲賑

義寧州志

卷二十三

祥異

九 三百八十

三十二年六月初一夜地震初三雲巖寺前失火延燒至東門外計八十餘家夏秋大旱署知州潘世勳詳請具題蠲賦十分之三本年恭遇

聖祖萬壽恩免漕糧

三十四年夏大雨衝倒南門城垣

三十八年夏大水

四十二年夏大旱 蠲賦十分之三

五十二年夏得宋黃山谷撰書順濟龍王廟碑於南山崖下河中

五十五年四月二十七日連宵大雨水高城堦數尺舟行市上民居及公廨文卷冊籍漂沒殆盡鎮寧塔城隍廟學宮巒門糧倉雲巖寺佛像悉皆淹倒城市沙泥堆積鄉間

田地崩廢無算旋復大旱高下絕收知州張愷申詳巡撫
佟國勳題請恤災銀九百六十兩三錢又將五十五年以
前民欠盡行免徵

五十八年夏旱

六十年夏大水虎入城食畜

六十一年十月十五日有羣鳥數萬大如鵝棲鳳凰山殆
遍自卯至巳始去

雍正二年歲大稔

八年歲大有

上以民俗和樂上蒙天庥蠲免江省九年分錢糧四十萬兩
寧州邀免銀三千九十四兩一錢八分

十年四月初六仁鄉大雨水

義寧州志

卷二十三

祥異

十三百二十五

十一年高鄉三十六都農民廖常茂田一莖三穗粒如瓠
子

十二年歲大稔崇仁二鄉有虎患山居之民戶為晝閉

乾隆元年九月崇鄉民弩斃一巨虎各山衆虎哀哮旬日虎
患遂息

六年夏五月大雨山水暴漲水抵學宮漂沒田廬無筭奉
武二鄉尤甚知州許淵捐俸賑恤詳請上憲委員勘災軫
恤

十年夏旱

十一年夏大水城市行舟

二十一年饑

二十七年秋大稔

二十八年夏大水山中多虎患

三十年春大饑穀價驟長秋大熟

三十八年庠生丁元俊壽百歲題

旌給與昇平人瑞四字匾額四十五年恭遇

高宗萬壽慶典時年百有七歲赴省隨班慶祝巡撫郝碩咨部

四十年夏旱

四十三年夏大旱秋薄收稻孫復實

四十四年春大饑

四十七年蒙

恩蠲免漕糧

州民彭國治妻葉氏一產三男奉

旨恩賞布米

義寧州志

卷二十三

祥異

十一 三百二十

五十一年春大疫三月清明後大雪夏大旱

五十二年四月大水五月大饑

五十四年州民張勝質妻劉氏壽百歲

嘉慶三年秋七月逆匪劉聯登等滋事尋勦平之詳武事

五年蒙

恩緩征

武鄉壽民謝堯聯年八十二五世同堂

六年奉

旨改寧州為義寧州

七年六月七月不雨

西鄉壽民丁靈臯五世同堂咨部題 旌

八年五月六月大饑知州陸模孫發常平倉穀平糶民賴

以安九月聚星社火鸚鵡橋至黃土嶺沿燒六十餘塵
安鄉壽民陳西五年八十五子五孫十四曾孫十九元孫
一五世同堂題請奉

旨給予緞銀額 旌眉壽延慶

九年奉鄉壽民王天鏗年七十八子一孫六曾孫十四元
孫二五世同堂題請奉

旨給予緞銀額 旌遐齡綿瓌

十一年武鄉懷遠都例貢生盧紹昌年八十五五世同堂
十二年秋大稔

十三年六月大水

安鄉劉尚德之妻許氏年八十二子三孫十三曾孫十五
元孫二五世同堂題請奉

義寧州志

卷二十三

祥異

十一 三百五十

旨給予緞銀額 旌眉壽延慶

十四年五月饑知州賀維錦發常平倉穀平糶委紳士領
穀奉行

十五年武鄉衛守備劉躍龍年近九旬呈報五世同堂子
孫曾元六十餘人

武鄉貢生劉雲龍之妻壽婦胡氏年登百歲呈報五世同
堂

十六年六月不雨七月乃雨

武鄉懷遠都壽民鍾錫祿年登百歲知州俞銅鼓同知和
具文詳報匾旌其門後壽至百有五歲

十七年正月至六月大饑民有食土者秋大熟

十八年武鄉懷遠都太學生朱廷佐之妻壽婦劉氏年登

百歲子孫曾元一百六十四人五世同堂題請奉

旨賞給緞及建坊銀兩額 旌貞壽之門建坊於交山鳳形
鋪前

十九年奉鄉龍坪太學生李情德之妻壽婦胡氏年八十
九子三孫十曾孫十七元孫二五世同堂

二十一年武鄉壽婦袁紱之妻余氏年九十四五世同堂
二十三年春大水五月芝生於考棚 文昌閣

二十四年 晉封一品太夫人余氏原任兵部左侍郎萬
承風之母五世同堂刑部奏請旌表內閣另擬匾額字樣
奉

旨賜給慶衍恩榮四字加賞銀兩緞疋

懷遠都耆民江安瀾一子八孫十曾孫二元孫五世同堂

義寧州志

卷二十三

祥異

十三 三百九十

題請奉

旨賞給緞銀額旌眉壽延慶道光元年安瀾年八十二例賜
八品冠帶

二十五年夏大旱自五月下旬至八月上旬乃雨秋種皆
熟不為災

泰鄉儒童陳和燧之妻余氏年八十五子三孫十曾孫十
二元孫一五世同堂題請奉

旨賞給緞銀額 旌眉壽延慶

崇鄉把總職銜梁韜年七十七子五孫十六曾孫二十二
元孫一五世同堂題請奉

旨給予緞銀額 旌遐齡綿瓌

道光元年四月初一日辰刻 欽天監奏日月合璧五星聚

奎

歲大有

奉鄉壽民王良玉年九十九例給七品冠帶四年病卒百有二歲

二年正月浹旬大雪平地深數尺秋大稔

三年夏大水安泰二鄉尤甚

奉鄉例貢生榮元龍之妻黃氏年八十子五孫十四曾孫七元孫一五世同堂紳耆呈請 旌表

西鄉太學生余自堦之妻壽婦胡氏年八十八五世同堂咨部題 旌

四年安鄉壽民萬鋤年登百歲呈請詳 旌

奉鄉張既昌之妻王氏年八十三子四孫七曾孫十元孫

義寧州志

卷二十三

祥異

十四 二百九十五

二五世同堂咨部題請 旌表

奉鄉贈武畧騎尉張大煤之妻 旌表節孝贈安人胡氏年逾八旬五世同堂

武鄉懷遠都葉洪盛之妻節婦羅氏年八十六子四孫九曾孫十四元孫一五世同堂

高鄉旌表節孝婦徐肇樸之妻周氏子二孫六曾孫二十一元孫二五世同堂

武鄉太學生袁觀泰之妻劉氏年八十一歲子四孫十三曾孫二十一元孫二五世同堂